



Cov Lus Nug Uas Nquag Nug Txog Ntawm Cov Lus Qhia Hais Txog Kev Rov Qhib Dua Cov Khw Noj Mov thiab Cov Chaw Haus Dej Haus Cawv *(Raug kho dua tshiab 8-26- 2020)*

Hauv qab no yog cov nqe lus teb rau cov lus nug uas nquag nug txog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) Cov Lus Qhia Txog Kev Rov Qhib Dua Zeeg Sij Hawm Ib: Cov Lus Qhia Xab Phaib Rau Cov Khw Noj Mov, Cov Chaw Haus Dej Haus Cawv, Cov Chaw Cub Cawv, Cov Chaw Cub Npias, Cov Chaw Sib Tw Haus Dej Haus Cawv, Cov Chav Saj Cawv thiab Cov Chav Lim Cawv ([cov lus qhia rau Khw Noj Mov thiab Tsev Haus Dej Cawv](#)). Cov lus qhia thiab cov lus nug uas nquag nug (frequently asked questions, FAQs) siv rau cov chaw ua hauj lwm hauv ib lub zos uas tau pom zoo rau Kev Rov Qab Qhib Ntu Ib. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab cov lus nug uas nquag nug (frequently asked questions, FAQs) no txhawm rau pab ua kom zej tsoom nkag siab txog cov lus qhia, teb tau cov lus nug ntawm tus neeg muaj feem xyuam, thiab tshab txhais kom mee txog kev yuav siv cov lus qhia li cas nyob rau cov tsham ua ntu zus xab phaib. Tej zaum cov lus nug uas nquag nug (frequently asked questions, FAQs) no kuj yuav raug kho dua tshiab yam sib quas ua ntu zus. Cov lus nug uas nquag nug (frequently asked questions, FAQ) nod tsis yog yuav siv los mus hloov chaw rau cov lus qhia, tab sis mas yog siv los mus tshab txhais, muab kev pab ntxiv, thiab pab qhia ntxiv kom nkag siab txog cov ntsiab lus mee tseeb ntawm cov lus qhia no.

Cov Chaw Ua Hauj Lwm

Q1: Puas yuav muab cov rooj teeb ua ntej? Ntxim li teeb cov rooj ua ntej yuav txo kev kis mob rau cov neeg ua hauj lwm thiab cov qhua?

A1: Tsis Yog. Tsis tuaj yeem teeb cov rooj teeb ua ntej thiab cia rau zaum es tsis muaj neeg saib xyuas. Yog ib tug neeg ua hauj lwm xav teeb ib lub rooj ua ntej, tam sim ua ntej thaum muaj cov yuav zaum, tshwb xeeb mas yog tias qhov no ua rau cov neeg ua hauj lwm thiab cov qhua ho tau sib fim tsawg zog, ces qhov ntawv yuav siv tau.

Q2: Hauv cov chav das dej, peb puas yuav tsum muaj ib tug neeg soj qab xyuas lub qhov rooj? Yog muaj, tus neeg no puas ua hauj lwm puv sij hawm?

A2: Yog ua tau, cov khw lag luam yuav tsum nrhiav ib tug neeg los saib xyuas, tab sis tsis tau hais tias yuav tsum muaj, ib tug neeg ua hauj lwm los soj qab xyuas tus qhua nkag mus rau ntawm cov chaw tso tshav xws li cov chav dej txhawm rau saib xyuas kom cov qhua tsis txho sib sau ua pawg. Cov khw lag luam yuav tso cov paib qhia txhawm rau ceeb toom kom cov qhua ho nyob sib nrug deb.

Q3: Vim li cas thiaj lis muaj kev txwv tsis pub tawm tau sab nrauv txhij li 10 teev tsaus ntuj rau Zeeg Sij Hawm lb rau cov nroog thiab qhov no yog ua raws qhov dab tsi? Puas tuaj yeem noj mov kom tiav rau ntawm cov rooj rau thaum 10 teev tsaus ntuj los sis txhua tus neeg puas yuav tsum tawm mus rau thaum txog 10 teev tsaus ntuj?

A3: Txhua lub khw noj mov yuav kaw kom tag txhua lub chaw noj mov los sis haus dej haus cawv rau thaum 10 teev tsaus ntuj. Cov khw lag luam no yuav tsum kaw tsis pub neeg pej xeem tuaj rau ntawm lub sij hawm ntawd tshwj tsis yog yuav khoom noj nqa mus tsev. Yuav tsum kaw kom tag thaum txog lub sij hawm thiaj ua raws li txoj cai. Lub khw noj mov yuav txiav txim siab tias yuav siv cov cai li cas rau ntawm nws hom kev pab cuam ntawm lub khw.

Q4: Peb puas tuaj yeem siv tshuaj dawb los sis peroxide los ntxuav tau? Puas yuav tsum tau coj nruj me ntsis rau qee thaj chaw? Peb yuav siv yam khoom twg thiab peb yuav ntxuav thaum twg? Heev npaum li cas?

A4: Muab cov chaw kov (chvv) khoom noj nyob rau hauv chav ua mov noj thiab “sab nram qab ntawm lub tsev” tu ntxuav kom huv si raws li [Xeev Oregon Tsab Cai Hais Txog Kev Tuav Tswj \(Oregon Administrative Rule, OAR\) Cov Kev Cai Hais Txog Kev Ua Kev Nyiam Huv Rau Khoom Noj 333-150-0000](#). Rau cov chaw “sab xub ntiag ntawm lub tsev”, Lub Chaw Ua Hauj Lwm Saib Xyuas Txog Kev Pov Thaiv Cheeb Tsam Ib Puag Ncig (Environmental Protection Agency) Hauv Teb Chaws Mes Kas tau tso cai cia siv qee cov tshuaj tu ntxuav uas siv tiv thaiv tau zoo rau cov kab mob vais lav uas ua rau tshwm sim muaj Tus Kab Mob Khaus Viv-19 (COVID-19). Tag nrho cov tshuaj uas ua tau raug raws li tus qauv cai raug muab tso rau [ntawm no](#).

Tsis yog tag nrho txhua yam tshuaj tu ntxuav yuav raug tso cai siv tu rau ntawm tej npoo rau khoom no thiab cia kom qhuav thiab mam li siv tshuaj tsuag tua kab mob tom qab rau. Saib ntawm tshooj ntawv “Kev siv tshuaj tsuag tua kab mob” nyob ntawm daim ntawv lo ntawm yam tshuaj tu ntxuav thiab siv kom ntev raws li lub sij hawm qhia chvv tau thiab tov kom haum (cov tshuaj tu ntxuav tov xyaws cov dej) hauv tshooj ntawv no.

Q5: Kuv lub tshuab ntxuav tais diav, thaum nws ua hauj lwm raws li zeeg sij hawm ib txwm ntxuav, puas tua tau Tus Kab Mob Vai Lav Khaus Viv-19 (COVID-19)?

A5: Tua tau, cov tshuab ntxuav tais diav uas raug raws li coov qauv cai siv rau hauv txoj cai tswj kav khoom noj uas siv tshuaj dawb chlorine los sis tso dej kom kub txog 160F rau ntawm daim tiag tais diav yeej tua cov kab mob vais lav tau.

Q6: Puas yog cov neeg yuav tsum zaum noj mov thiab haus dej rau ntawm lub chaws?

A6: Tso cai los rau ntawm lub rooj ua hauj lwm tau rau thaum txib yuav khoom noj thiab/los sis nqa cov khoom noj. Yuav tsum zaum noj rau ntawm lub rooj zaum noj mov thiaj li pab caiv nyob kom sib nrug deb tau rau (6) fij.

Q7: Feem Muaj Cai Saib Xyuas Kev Noj Qab Haus Huv Rau Pej XeeM Hauv Ib Cheeb Tsam (Local Public Health Authorities, LPHA) puas yuav tsum tso cai pub qhib ib lub khw noj mov tau ua ntej? Lub khw noj mov puas tau kho txoj kev npaj nqis tes ua? Daim ntawv ua pov thawj ua raws li kev tiv thaiv Tus Kab Mob Khaus Viv-19 (COVID-19) puas raug kho los sis puas yuav tsum sau tias ib lub chaw yeej ua raws li cov lus qhia rov qab qhib los ntawm Tus Thawj Hauv Tswj Kav Xeev?

A7: Tsis raug kho. Cov chaw yuav tsum ua raws li [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia](#) tab sis tsis tas yuav tsum tau tso cai ua ntej los ntawm LPHAs txhawm rau tsim kho qhov kev npaj los sis tau txais cov ntaub ntawv ua pov thawj tias ua raws li txoj cai lawm.

Q8: Cov khw noj mov yuav tsum tsis pub qhib muag khoom noj thiab cawv rau ntawm lub chaw mus ntxiv thaum txog rau 10 teev tsaus ntuj, tab sis thaum twg mam li tso cai qhib tau?

A8: Cov khw noj mov thiab cov chaw haus dej haus cawv puas tuaj yeem qhib rau hnuv tom ntej raws li cov sij hawm ib txwm qhib ntawm lub khw lag luam, tab sis tsis muaj peev xwm yuav qhib tau ua ntej 4 teev sawv ntxov.

Q9: Cov chav dej puas yuav tsum tsuag tshuaj tua kab mob txhua zaus thaum ib tug neeg qhua siv tag?

A9: Tsis yog. Yuav tsum nquag tu ntxuav thiab siv tshuaj tsuag tua kab mob rau cov chav dej raws li qhov tsim nyog, tab sis tsis tas yuav tu ntxuav txhua zaus tom qab ib tug neeg qhua siv tag.

Q10: Cov chaw zoo li xws li cov chaw pov bowling uas muag khoom noj haus tab sis raug kaw vim Tsab Ntawv Txib los ntawm Tus Thawj Hauv Tswj Kav Xeev puas tuaj yeem rov qab qhib feem muag khoom noj haus no tau?

A10: Yog. Yog lub chaw no tsuas qhib muag khoom noj haus xwb thiab ua raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia.

Q11: Cov lag luam uas qhib rau tus neeg pab cuam rau lawv tus kheej xws li cov khw noj mov plua tshai, cov khw noj mov npav fej, salad bars, ci khoom noj Mongolian, cov chaw muag dej haus (dej khov thiab dej soda), thiab cov tshuab rau mi yogurt tseem puas raug txwv?

A11: Yog. Cov khw noj mov uas cov neeg ua hauj lwm nqa khoom noj los txhab ntxiv thiab cov neeg qhua nyias hais nyias los noj tseem tsis raug tso cai qhib tau. Ib lub khw ci khoom noj Mongolian tuaj yeem qhib tau yog cov neeg ua hauj lwm sau cov khoom noj nyoos koj los tso ua ke ces cia cov neeg qhua xaiv ua ntej mam li koj mus ua kom siav. Cov khw muag khoom noj uas nyias mus nqa nyias xws li cov khoom noj ua tej thooj thiab cov thooj roj olive ces raug tso cai qhib tau.

Q12: Kev rov qhib dua Zeeg Sij Hawm Ib puas muaj cov chaw haus dej haus cawv, cov chav zaj khoom noj haus, cov chaw cub cawv thiab cov chaw haus cawv vais?

A12: Zeeg Sij Hawm Ib tsuas tso cai noj thiab haus rau sab nrauv zoov tau xwb. Txwv tsis pub noj mov los sis haus dej rau ntawm lub khw muag khoom, suav txog dej cawv rau thaum txog 10 teev yav tsaus ntuj.

Q13: Cov neeg ua hauj lwm puas raug suav nrog qhov txwv pub nkag kos coob nkawg nkaus rau hauv cov khw noj mov thiab chaw haus dej hauv cawv?

A13: Raug suav, cov neeg ua hauj lwm yeej raug suav nrog hauv qhov txwv pub nkag coob kawg nkaus rau hauv ib lub khw noj mov thiab chaw haus dej haus cawv. Nws muaj qhov txwv pub nkag los ntau tshaj plaws yog 100 leej rau cov chaw sab hauv tsev los sis 250 leej rau cov chaw sab nraum tshav puam los sis tag nrho cov neeg, raws li kev ntxiav ntxim tau ntawm qhov muaj peev xwm (cov duab kos qhia kev/qhov muaj neeg nyob), saib qhov twg yog qhov tsawg dua. Yog cov khw lag luam qhib ua hauj lwm rau sab hauv tsev thiab sab nraum tshav puam, tsis pub neeg nkag tuaj coob tshaj 250 leej suav nrog cov neeg ua hauj lwm.

Q14: Lub chaw twg uas peb yuav tsum tau siv tshuaj tsuag tua kab mob, so?

A14: Oregon Restaurant & Lodging Association (Lub Koom Haum Khw Noj Mov thiab Chaw Pw Hauv Xeev Oregon, ORLA) tswj cov npe khw muag tshuaj tu ntxuav uas muaj muag rau khwv lag luam.

Q15: Peb yuav nrhiav cov lus qhia txog cov chav zaj khoom noj haus rau ntawm qhov chaw twg?

A15: Cov Lus Qhia rau Cov Khw Noj MovCov Chaw Haus Dej Haus Cawv/Cov Chaw Cub Cawv/Cov Chav Saj Khoom Noj Haus/Cov Chaw Lim Cawv tag nrho tej no muaj nyob hauv tib yam ntaub ntawv.

Q16: Cov khw noj mov puas yuav tsum thov thiaj rov qab qhib tau?

A16: Tsis tau thov. Cov zos yuav tsum siv tau mus rau Zeeg Sij Hawm Ib. Kiag thaum lub zos raug tso cai nkag rau Ntu 1, cov khw noj mov yuav tsis tas raug txwv lawv tus kheej kom yuav khoom noj nqa tawm mus/kom xa khoom noj mus ntxiv lawm. (Yog koj lub chaw OLCC tso cai tsis pub qhib vim tsis tau them nqi, qhov ntawd yuav tsum tau ntxiv lub sij hawm dua tshiab. Oregon Lottery los kuj yuav tsum tau los tshuaj ntsuam xyuas koj cov tshuab VLT ua ntej yuav pub siv tau.)

Q17: Cov ntaub yas dawb pua sib piv rau cov ntawv dawb pua. Tuam txhab tsim ua ntaub dawb pua qhia kom siv cov ntaub yas dawb pua ib zaum kav ib as thiv. Cov lus xav qhuab qhia no yog dab tsi?

A17: Tuaj yeem siv siv ntaub dawb so qhov ncauj tau. Yuav tsum ua tib zoo khaws cov ntaub yas dawb pua uas siv lawm/lo tsuas cia kom zoo. Muab cov ntaub yas dawb pua khaws cia rau hauv ib lub hnab yas los sis lwm lub thawv rau khoom uas muaj hau npog zoo.

Q18: Puas muaj cov cai kav sib txawv rau ntawm cov neeg yuam siv cov cai ntawm kev tsim cov khoom noj nrog rau Lub Tuam Tsev Hauj Lwm Saib Xyuas Kev Ua Liaj Ua Teb Hauv Oregon (Oregon Department of Agriculture, ODA) thiab kev yuam siv cov cai ntawm kev tsim cov khoom noj nrog Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA)?

A18: Yam sib txwv ces tsuas yog nyias siv nyias cov hnab looj tes xwb. Yuav tsum siv cov hnab looj tes rau txhua txoj hauj lwm tuav chvv cov khoom noj rau hauv cov chaw raug teeb tsa los ntawm ODA. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov chaw uas raug saib xyuas raws cai yuav tsum ua raws [Txoj Cai Tswj Kav Khoom Noj Uas Sau Rau Hauv Daim Ntawv Qhia #1 – Kev Txo Kev Siv Tes Dawb Tes Npliaq Chwv Cov Khoom Noj](#).

Q19: Koj puas xav hais kom lub khw noj mov ntawd siv ntawv ci qhwv ntxiv rau daim ntaub yas dawb?

A19: Xav, qhov ntawd yog siv tau zoo tab sis tsis tas siv rau ntawm cov chaw muag khoom noj thiab dej haus.

Q20: Leej twg yuav yog tus phim zoo tshaj plaws los thov kom muab kev qhuab qhia ntxiv?

A20: Yuav tsum muab cov nqe lus nug thiab cov kev thov kom muab kev piav qhia ntxiv txog cov lus qhia ntawm lub xeev xa mus rau covid19.reopening@dhsosha.state.or.us.

Q21: Cov khw noj mov uas muag khoom noj sushi train (tso khoom noj khiav ncig mus los raws txoj xov) thiab hom siv phaj thawb dim sum puas yog raug suav nrog “cov khw- noj mov nyias hais nyias” uas raug txwv tsis pub qhib rau hauv Zeeg Sij Hawm 1?

A21: Lub khw muag khoom noj sushi train uas nyias hais nyias noj tsis raug tso cai qhib tau vim muaj cov tais me raug xa mus los raws txoj xov khiav rau tus neeg qhua xaiv cov khoom noj.

Yog cov qhua tab tom txib yuav cov khoom noj los ntawm ib lub khw siv dim sum tab sis tsis pub cia nyias hais nyias, ces raug tso cai qhib tau raws li [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia](#). Lub chaw no yuav tsum ceev faj txhawm rau tiv thaiv cov khoom noj nyob hauv lub phaj kom txhob raug tsuas thaum khiav ncig mus los rau hauv lub khw noj mov.

Q22: Puas muaj cov lus qhia tshwj xeeb rau cov khw noj mov uas npaj rau lub rooj dav nrog puas tshais thiab cov tsev me vov uas qhib rau cov neeg ncig mus los noj (ntsig txog kev siv tes tuav khoom noj)?

A22: Cov khw noj mov uas muaj cov tsev vov me rau yuav tsum ua raws li [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia](#) rau txhua cov chaw qhib muag khoom noj ntawm lawv.

Q23: Txoj cai tswv tsis pub qhib muag khoom noj thiab khoom haus rau ntawm chaw thaum txog 10 teev tsaus ntuj puas tuaj yeem siv mus rau cov khw noj mov los sis khw haus dej kas fes nyob sab hauv cov tsev kho mob los sis lwm cov chaw saib xyuas mob nkeeg tau?

A23: Tsis tau. Cov kev txwv no tsuas yog siv rau ntawm lub chaw noj mov xwb tsis siv rau kev muag khoom noj haus rau hauv cov chaw saib xyuas mob nkeeg (suav nrog cov tsev kho mob), cov chaw zov me nyuam yaus, cov chaw ua hauj lwm, tsoom fww cov tsev hauj lwm, cov chaw saib xyuas xwm txheej ceev, cov khw muag khoom noj rau tsev kawm ntawv, los sis cov chaw thiab tsev npaj khoom noj pab cuam rau cov neeg tsis taus.

Q24: Cov rooj zaum ntawm cov neeg qhua puas raug hloov kho tso cov ntaub yas los sis lwm yam ntaub pua thiaj li siv tshuaj tsuag tua kab mob tau rau thaum cov neeg qhua tawm mus thiab yuav muaj cov tshiab tuaj?

A24: Tsis tas siv. Tsis muaj cov qauv cai siv ntaub yas pua rau ntawm cov rooj zaum uas siv tshuaj tsuag tua kab mob rau thaum cov neeg qhua tawm mus thiab yuav muaj cov tshiab tuaj.

Q25: Kuv muaj daim ntawv tso cai muag cawv. Kuv yuav nrhiav tau OLCC cov lus qhia txog kev rov qab qhib rau ntawm lub chaw twg?

A25: Daim ntawv hais qhia qhov tseeb ntawm OLCC txog kev kev rov qab qhib cov khw lag luam muaj nyob rau [ntawm no](#).

Q26: Kuv xav tsim kuv lub khw lag luam kom dav ntiv mus rau sab nrauv zoov los sis txav mus thaj chaw ntiag tug li thiab muag dej cawv, nrog rau caiv lub cev nyob kom sib nrug deb. Kuv puas tuaj yeem ua tau li hais los no?

A26: OLCC muaj ib daim ntawv thov tsim koj lub chaw kom dav ntiv. Koj tuaj yeem nrhiav daim ntawv thov thiab cov lus qhia rau [ntawm no](#).

Q27: Kuv muaj lwm cov lus nug txog Tus Kab Mob Khaus Viv-19 (COVID-19) ntsig tog kuv daim ntawv tso cai muag cawv. Kuv yuav nrhiav tau cov nqe lus teb rau qhov twg?

A27: Lub chaw OLCC muaj cov lus nug uas nquag nug (frequently asked questions, FAQ) uas raug kho dua tshiab tas li. Koj tuaj yeem tshawb nrhiav tau rau [ntawm no](#).

Q28: Cov neeg qhua uas pheej taug cov kev tsav tsheb hla (drive-thru) puas yuav tsum tau rau cov ntaub npog ntsej muag?

A28: Yuav tsum tau, ua raws li Cov Lus Qhia Txog Kev Siv Daim Ntaub Npog Qhov Ncauj Qhov Ntswg, Daim Nab Kaj Npog Ntsej Muag, Daim Ntaub Npog Ntsej Muag Thoob Plaws Lub Xeev, yog hais tias cov neeg qhua tsis muaj peev xwm tswj tau kev nyob kom sib nrug deb ntawm lub cev txog li rau (6) fij (feet) ntawm lawv lub tsheb thiab ntawm lub qhov rai kev tsav tsheb hla (drive-thru) ces lawv yuav tsum tau rau ib daim ntaub npog ntsej muag, daim ntaub npog qhov ncauj qhov ntswg los sis daim nab kaj npog ntsej muag.

Q29: Txoj cai txwv tsis pub neeg nyob lig lig thaum tsaus ntuj uas tsis pub dhau 10 teev tsaus ntuj tsuas siv tau rau sab hauv chav noj puas hmo nkaus xwb los sis yeej siv tau rau txoj kev tsav tsheb hla (drive-thru) tib si?

A29: Txoj cai txwv tsis pub neeg nyob lig lig thaum tsaus ntuj uas tsis pub dhau 10 teev tsaus ntuj tsuas siv tau rau chav noj puas hmo uas nyob rau sab hauv tsev thiab nyob rau sab nraum zoov nkaus xwb - siv tsis tau rau txoj kev tsav tsheb hla (drive-thru).

Q30: Cov Koom Haum Fraternal Lodge puas muaj peev xwm ua hauj lwm tau nyob rau Zeeg Sij Hawm Ib?

A30: Cov koom haum fraternal lodge uas ua hauj lwm raws li ib daim ntawv tso cai ua lub khw noj mov tej zaum kuj yuav muab tau kev siv (noj-haus) khoom noj thiab dej cawv nyob rau ntawm chaw rau hauv cov cheeb tsam nroog uas nyob rau hauv Zeeg Sij Hawm Ib, yog hais tias lawv ua raws li [lus cob qhia txog kev ua khw noj mov](#).

Fraternal lodge cov koom haum uas raug zam tsis muaj ntaub ntawv tso cai ua khw noj mov raws li txoj cai ORS 624.038 vim lawv tsuas muag khoom noj rau lawv cov tswv cuab thiab lawv cov neeg qhua cia noj thiab haus rau hauv lub chaw ntawm cov nroog uas raug tso cai rau hauv Zeeg Sij Hawm Ib yog lawv ua raws li [cov lus qhia rau khw noj mov](#).

Dhau ntawd, yog hais tias cov koom haum lodges tsa cov rooj sib tham, lawv yuav tsum ua raws li Tsab Ntawv Txib 20-27 hais txog cov kev txwv kev sib sau nyob ua ke thiab Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) li lus cob qhia (piv txwv li, kev txuag kev nyob kom sib nrug deb ntawm lub cev uas yuav tsum ua kom tau, thiab lwm yam ntxiv). Cov kev sib sau nyob ua ke yuav tsum tsis pub dhau 25 leej neeg nyob rau hauv Zeeg Sij Hawm 1. Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab lus pom zoo tias cov koom haum fraternal lodge yuav tsum ua zoo xav ua raws li nram qab no thaum lawv yuav txiav txim hais tias seb yuav rov qhib dua los sis tsis qhib thiab ua zoo xav kom dav txog qhov uas lawv yuav ua hauj lwm ntawd:

- Muaj ntau cov koom haum fraternal lodge muaj cov tswv cuab uas nyob sib xyaws rau hauv cov pej xeem ua raug tau kab mob yooj yim (muaj xam nrog rau cov uas muaj hnuv nyoog siab tshaj 65 xyoos los sis cov uas muaj ib tus kab mob kho zoo tsis tu qab uas mob loj lawm). Tab txawm yuav muaj cov kev muab siab sib zog ua raws nram li Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) li lus cob qhia los xij, ib qho kev mus sib ntsib rau ntawm ib lub koom haum fraternal lodge yeej tseem muaj kev pheej hmoo sib kis tau kab mob. Tus Thawj Hau Tswj Kav Xeev muaj lus muab tswv yim qhia yam muaj zog zees tias cov pej xeem uas raug tau kab mob yooj yim yuav tsum nyob twj ywm hauv tsev txuas ntxiv mus nyob rau Zeeg Sij Hawm Ib.
- Vim muaj cov pej xeem uas raug tau kab mob yooj yim thiab kev lav ris li hais ntawd, nws yeej tsim nyog lawm uas qee cov koom haum lodges yuav tsum tau kaw tseg twj ywm nyob rau lub sij hawm no los sis yeej tsim nyog lawm uas tsuas pub muab cov kev pab cuam raws li ciam nkaus xwb, txhawm rau ua raws li lus cob qhia txog kev ua khw noj mov (piv txwv li, kev ua kom ntseeg tau tias cov tswv cuab txuag tau kev nyob kom sib nrug deb ntawm lub cev txog li rau (6) fij (feet) los ntawm lwm tus, tshwj xeeb mas yog txhua lub sij hawm uas lawm zaum los sis nyob rau ntawm tej chaw tos thiab nqis tsheb).

Q31: Muaj ntau cov ciaj ciam kev pub muaj neeg nyob ua ke sib txawv rau kev noj plus hmo rau ntawm lub chaw rau kev ua si sab hauv tsev thiab lub chaw rau kev ua si sab nraum zoov. Lub ntsiab lus ntawm ib “lub chaw rau kev ua si sab nraum zoov” rau cov hom phiaj ntawm cov lus qhia rau Khw Noj Mov thiab Tsev Haus Dej Cawv Zeeg Sij Hawm Ib yog dab tsi?

A31: Rau cov hom phiaj ntawm [cov lus qhia rau Khw Noj Mov thiab Tsev Haus Dej Cawv Zeeg Sij Hawm Ib](#), “lub chaw rau kev ua si sab nraum zoov” yog ib qho chaw qhib lam cua lug uas tej zaum yuav muaj chaw kaw xuaj qhaus los sis kaw tuag nthi (piv txwv li, ntaub khwb qhov rai/ntaub thaiv qhov rai los sis ru tsev) uas thaum hais tias lub chaw ntawd muaj yam tsawg li xya caum tsib feem pua ntawm ib ko tawm puag ncig ntawm nws ob sab qhib muaj cua khiav mus los.

Kev Nyob Kom Sib Nrug Deb thiab Kev Pub Neeg Nyob Coob Tsawg Npaum Li Cas

Q1: Koj puas tuaj yeem piav qhia qhov tseeb tau thaum raug tso cai zawm tau rau hauv lub chaw muag cawv/ntawm lub rooj them nqi?

A1: Yog ib lub rooj/lub chaw zaum haus cawv tig ncaj qha rau sab phab ntsa los sis lub qhov rais, ces tso cai zaum tau tab sis yuav tsum nyob kom sib nrug deb tsawg kawg rau (6) fij (feet) ntawm lwm pawg neeg. Yog muaj ib thaj chaw seem rau ntawm lub rooj ua hauj lwm/lub chaw zaum haus cawv thiab tsis raug tso cai zaum tig rau sab phab ntsa los sis lub qhov rai.

Q2: Koj yuav txiav txim li cas “qhov pub nyob tau coob kawg” txhawm rau kom raug raws li cov lus qhia tso cai rov qab qhib los ntawm Tus Thawj Hauv Tswj Kav Xeev?

A2: Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia rau cov khw noj mov thiab cov chaw haus dej haus cawv hais tias cov lag luam yuav tsum txwv qhov ntim tau ntawm kev sib sau nyob ua ke ntawm cov neeg coob kawg nkaus li 100 leej neeg rau cov chaw ua si nyob rau sab hauv tsev los sis 250 leej neeg rau cov chaw ua si nyob rau sab nraum zoov, tsis txhob pub coob tshaj 250 leej neeg rau cov chaw ua si nyob rau sab hauv tsev thiab rau cov chaw ua si nyob rau sab nraum zoov; los sis qhov coob tsawg ntawm cov neeg, xam nrog rau cov neeg ua hauj lwm tib si, raws li kev txiav txim siab txog qov ntim tau ntawm lub chaw (ko tawm puag ncig/kev pub neeg nyob coob tsawg npaum li cas), los yog tsawg dua ntawd.

Q3: Cov chaw muag khoom noj siav thiab thaj chaw zaum noj mov hauv cov khw muag khoom puas yuav tsum tau ua raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia uas siv rau cov khw noj mov thiab cov chaw haus dej haus cawv?

A3: Yog.

Q4: Yog ib lub tsev me muaj sab tom qab ntawm lub rooj zaum siab dua puas yuav ua rau nyob sib ze tau tsawg dua rau (6) fij (feet) ntawm pawg neeg noj mov?

A4: Tsis tau. Cov neeg qhua uas tsis yog pawg koom rau ntawm tib pawg neeg noj mov yuav tsum nyob kom sib nrug deb rau (6) fij (feet) ntawm lwm cov neeg.

Q5: Yog ib lub khw noj mov teeb cov iav yas thaiv, vov ntaub yas rau, los sis siv qee yam thaiv kem rau ntawm cov rooj los sis cov tshuab ua hauj lwm, lawv puas tuaj yeem nyob kom sib ze dua rau (6) fij (feet) tau? Ib lub chaw puas tuaj yeem teeb cov iav yas thaiv rau ntawm lub chaw haus dej haus cawv tau? Qhov no puas suav mus rau tim sab phab ntsa los sis qhov rai, yog li ntawd lawv thiaj pub zaum tau rau ntawm lub chaw haus dej haus cawv nrog rau nyob sib nrug deb tau rau fij (feet) ntawm cov neeg qhua?

A5: Tsis tau. Cov neeg qhua uas tsis yog pawg koom rau ntawm tib pawg neeg noj mov yuav tsum nyob kom sib nrug deb rau (6) fij (feet) ntawm lwm cov neeg. Kev teeb tej yam thaiv kem rau hauv ib lub chaw txhawm rau faib cais cov neeg qhua nyias nyob nyias pawg los sis tej zaum tus neeg ua hauj lwm yuav tau txwv los sis hloov cov cua mus los uas tuaj yeem ua rau cov cua tu.

Q6: Txoj cai caiv lub cev nyob kom sib nrug deb rau fij (feet) puas siv rau cov rooj zaum noj mov rau sab nrauv zoov?

A6: Yog. Tseem yuav tsum tau caiv lub cev nyob kom sib nrug deb li rau (6) fij (feet) ntawm pawg neeg txawm tias yuav zaum cov rooj rau sab hauv tsev los sis rau sab nrauv zoov los xij.

Q7: Lub khw noj mov puas yuav tsum txwv cov neeg nkag mus rau hauv chav kais dej, cov tso zis los sis chaw plob txhawm rau kom cov neeg qhua caiv lub cev nyob tau sib nrug deb li rau fij (feet) raws li cov qauv cai?

A7: Tsis tau. Txawm li cas los xij, yog ua tau cov khw lag luam yuav tsum nrhiav ib tug neeg los saib xyuas, tab sis tsis yuav nrhiav ib tug neeg ua hauj lwm los soj qab xyuas tus neeg qhua nkag mus rau ntawm cov chaw uas sawv daws nyiam nkag mus los xws li cov chav dej txhawm rau saib xyuas kom cov neeg qhua txhob tuaj sib sau ua ke coob.

Q8: Rau cov neeg qhua uas zaum thiab raug saib xyuas rau sab nrauv zoov ntawm ib lub khw noj mov, puas muaj kev txwv sib nrug deb rau ntawm lub chaw rau cov rooj zaum ntawm tus neeg qhua?

A8: Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia tsis muaj hais txog qhov sib nrug deb ntawm lub chaw thiab lub rooj zaum ntawm tus neeg qhua tias yuav tsum nyob sib ze los sis sib nrug deb npaum li cas. Cov khw noj mov yuav tsum tshuaj xyuas nrog cov

chaw ua hauj lwm hauv lub zos los sis lub nroog txog cov qauv cai siv rau cov chaw zaum sab nraum tshav puam.

Q9: Lub khw noj mov puas yuav tsum raug teeb dua tshiab kom cov neeg qhua nkag tuaj rau hauv lub khw noj mov los sis taug kev hla los rau hauv lub khw noj mov mus rau ntawm ib lub rooj zaum yuav tsum nyob tau sib nrug deb (6) fij (feet) nrog rau muaj tej yam thaiv kem ntawm lawv tus kheej thiab lwm cov neeg qhua rau thaum lawv mus los rau ntawm lub rooj?

A9: Yuav tsum sib nrug deb li rau (6) fij (feet) ntawm ib lub chaw uas muaj ib tug neeg qhua yuav hla mus (xws li., sab hauv lub qhov rooj nkag mus los sis ntawm thaj chaw tos nkag mus rau hauv chav plob). Yog ua tau, yuav tsum teeb chav noj mov kom nyob sib nrug deb tsawg kawg rau (6) fij (feet) txhua lub sij hawm. Txawm li cas los xij, hauv cov khw noj mov me uas teeb tsis tau li hais (xws li., yuav ua rau txo lub chaw nraim ntim tsis tau neeg coob lawm), nws pub cov neeg qhua hla mus los rau ntawm lub rooj zaum ntawm tus neeg qhua rau thaum lawv txav mus los rau ntawm lawv lub rooj tau ze li rau (6) fij (feet).

Q10: Txoj cai rau (6) fij (feet) puas siv rau ntawm ib lub rooj rau ib lub rooj? Los sis ntawm cov rooj zaum ntawm tus neeg qhua rau lub rooj zaum ntawm tus neeg qhua ntawm lwm lub rooj?

A10: Yuav tsum tso cov rooj kom nyob sib nrug deb tsawg kawg rau (6) fij (feet) yog li ntawd thiaj li muaj chaw seem dav tsawg kawg rau (6) fij (feet) ntawm cov neeg uas tsis yog tuaj ua ke.

Q11: Ib tug neeg ua hauj lwm puas yuav tsum sawv kom sib nrug deb rau (6) fij (feet) thaum lawv mus nqa daim ntawv txib yuav khoom noj?

A11: Rau kev nyab xeeb ntawm cov neeg ua hauj lwm thiab cov neeg qhua, yuav tsum caiv lub cev nyob kom sib nrug deb li rau (6) fij ntawm cov neeg ua hauj lwm thiab cov neeg qhua, tab sis OHA cov lus qhia lees paub tias lub hom phiaj ntawm kev txib yuav khoom noj thiab nqa khoom noj mus rau ntawm lub rooj, yuav zam tsis tau kom sib nrug deb tau rau (6) fij tas li.

Q12: Cov chav saj khoom noj puas tuaj yeem tso suab paj nruag rau sab nruav zoov tau?

A12: Cov kw paj nruag uas tuaj yeem nyob kom sib nrug deb tau tsawg kawg rau (6) fij (feet) ntawm cov neeg qhua thiab ntawm lawv lwm tus neeg ces yeej raug tso cai ua tau.

Q13: Yog ib lub rooj tig mus rau ib sab phab ntsa (los sis lwm kem thaiv), thiab tus neeg qhua sab nrab qaum tig rau hauv chav, peb puas yuav tsum nyob tom qab ntawm tus neeg qhua no li rau (6) fij (feet)?

A13: Yog.

Q14: Cov cai siv rau hauv cov chaw noj mov hauv cov tsev so yog zoo li cas?

A14: Tsab Ntawv Txib tsuas tso cai pub ntau txog 20-27 leej xwb thiab tsuas pub txog 10 leej rau ntawm cov chaw ua si uas muaj neeg tuaj sib sau ua ke coob nrog rau yuav tsum nyob kom sib nrug deb tsawg kawg rau (6) fij (feet) ntawm tus kheej ntawm lawv tsev neeg sib txawv.

Cov Neeg Ua Hauj Lwm

Q1: Vim li cas cov neeg ua hauj lwm thij li siv twj tais hloov rau kev siv tes tuav nqa cov khoom noj?

A1: Kev ntxuav tes nrog tshuaj xab npum thiab dej yeej tsis tuaj yeem tiv thaiv tau zoo txaus kom txhob muaj kab mob sib tsuas kis tau ntawm tes mus rau cov khoom noj rau thaum lub sij hawm npaj ua. Cov chaw muaj ntaub ntawv tso cai los ntawm ODA tsis raug tso cai cia siv tes tuav thaum siv tes tuav kom mus raws li cov cai ntawm ODA Txoj Cai Tswj Kav Khoom Noj: 3-301.11 Kev Tiv Thaiv Kev Tsuas Tsis Huv los ntawm txhais tes.

Q2: Cov neeg ua hauj lwm rau ntawm lub khw noj mov txhawj xeeb txog kev rau daim ntaub npog ntsej muag tas hnuv rau hauv kem ua zaub mov uas kub so thiab muaj cov cua Carbon Dioxide (CO2.) Puas muaj xov xwm hais txog kev tshwm sim tsis zoo ntawm CO2 thiab kev rau daim ntaub npog ntsej muag?

A2: Daim ntaub npog ntsej muag yeej tsis thaiv kom tsis txhob muaj cua tau yog li ntawd nws yeej tsis tuaj yeem tsim cov cua CO2 tau rau sab hauv. Yuav tsum rau daim ntaub npog qhov ntswg thiab qhov ncauj thiaj li tiv thaiv kev sib kis mob los ntawm cov hmoov dej ya los ntawm ib tug neeg mus rau ib tug neeg thaum nyob hauv ib lub chaw.

Q3: Cov neeg ua hauj lwm hauv lub khw noj mov txhawj xeeb txog kev rau cov ntaub npog ntsej muag tas hnuv rau hauv chav ua zauv mov vim kub sov. Yog lawv yuav tsum tau rau ib daim ntaub npog ntsej muag cov neeg ua hauj lwm yuav tsum tiv thaiv li cas thiaj li tsis ua rau kub sov heev, ua rau tsis kub sov los sis tsis ua pa nyuaj tau?

A3: Cov neeg ua hauj lwm yuav tsum rau ib daim ntaub npog ntsej muag uas haum zoo rau kev ua pa thiab yuav tau so rau thaum lub sij hawm ua hauj lwm thiaj li tawm tau mus ntawm kem ua zaub mov tau. Cov khw lag luam yuav tsum muab cov ntaub npog qhov ncauj qhov ntswg, daim thaiv ntsej muag, los sis cov ntaub npog ntsej muag rau cov neeg ua hauj lwm kom mus raws li [Lub Oos Kas Saib Xyuas Kev Noj Qab Haus Huv Hauv Xeev Oregon \(Oregon Health Authority, OHA\) cov lus qhia.](#)

Q4: Txhua tus neeg ua hauj lwm puas yuav tsum tau rau daim ntaub npog ntsej muag los sis tsuas yog cov neeg ua hauj lwm rau sab xub ntiag ntawm lub chaw uas sib tham thiab ntsib nrog cov neeg qhua thiaj li tau rau daim ntaub npog ntsej muag xwb? Cov neeg ua hauj lwm yuav tsum rau ib daim ntaub npog qhov ncauj qhov ntswg los sis lawv puas tuaj yeem hloov rau ib daim ntaub npog ntsej muag tau?

A4: Txhua tus neeg ua hauj lwm rau ntaw cov khoom noj, tsis hais txoj hauj lwm twg los xij yuav tsum rau ib daim ntaub npog ntsej muag tshwj tsis yog thaum noj mov/haus dej los sis thaum tsis nyob rau hauv lub chaw uas tuaj yeem nyob tau sib nrug deb rau (6) fij (feet) raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia Cov neeg ua hauj lwm yuav tsum rau ib daim ntaub npog ntsej muag, daim npog qhov ncauj qhov ntswg los sis daim thaiv ntsej muag kom mus raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia Cov neeg ua hauj lwm yuav tsum rau ib daim ntaub npog ntsej muag, daim npog qhov ncauj qhov ntswg los sis daim thaiv ntsej muag kom mus raws li Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) cov lus qhia.

Q5: Vim li cas txoj cai tshiab no thiaj kom txhua tus neeg ua hauj lwm hauv lub khw noj mov yuav tsum rau daim ntaub npog ntsej muag uas yav dhau los twb tsis hais kom rau?

A5: Vim kev noj mov rau ntawm lub chaw ntawm cov neeg qhua yuav muaj pheej hmoo raug tus kab mob tau zoo dua. Yav tag dhau los yeej pom tau tias kev rau daim ntaub npog ntsej muag tuaj yeem pab txo kev sib kis ntawm Tus Kab Mob Khaus Viv-19 (COVID-19) tau.

Key Ua Hauj Lwm ntawm Video Lottery Terminal (VLT)

Q1: Lub khw noj mov VLT cov lus qhia hais tias “yuav tsum tso cov VLTs kom nyob sib nrug deb tsawg kawg rau (6) fij (feet).” Kuv ntseeg tias kuv yeej raug qhia kom txhob tuav/tshem cov tshuab ua hauj lwm tawm mus. Qhov ntawd puas yog tiag? Lub chaw OLCC puas tshuaj ntsuam xyuas koj cov tshuab ua hauj lwm raws li cov lus qhia no thiab sib tham nrog koj txog kev pauv hloov kom tsim nyog ua ntej yuav qhib ua hauj lwm?

A1: VLTs raug kuaj xyuas los ntawm Oregon State Lottery (OSL). Yog ib lub khw noj mov/chaw haus dej haus cawv yuav tsum tau tshem cov tshuab tawm, lawv yuav tsum hu rau OSL uas yog feem yuav xa neeg tuaj pab saib xyuas. Ua ntej OSL tuaj yeem qhib tso cov tshuab ua hauj lwm, lawv yuav tsum kuaj xyuas tias puas tso nyob tau sib nrug deb txaus raws li cov qauv cai ntawm rau (6) fij (feet).

Q2: Lub sij hawm kaw thaum 10 teev tsaus ntuj puas siv tau rau Video Lottery Terminals (VLTs)?

A2: Siv tau, lub sij hawm kaw thaum 10 teev tsaus ntuj siv tau rau Video Lottery Terminals (VLTs).

Kev muaj peev xwm nkag cuag tau rau daim ntaub ntawv: Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Mavel Morales ntawm tus xov tooj 1-844-882-7889, 711 TTY los sis OHA.ADAModifications@dhsaha.state.or.us.